

Broj: 04-871-1/20

Datum: 06.07.2020. godine

**JU SLUŽBA ZA ZAPOSŁJAVANJE
TUZLANSKOG KANTONA**

Predmet: Javni oglas za prijem radnika u radni odnos u TTU energetik d.o.o. Tuzla,
dostavlja se

U skladu sa članom 4. stav (4) Uredbe o postupku prijema u radni odnos u javnom sektoru u FBiH ("SL. novine FBiH", broj 13/19) dostavljamo vam Javni oglas za prijem radnika u radni odnos u TTU energetik d.o.o. Tuzla broj: 04-871/20 od 06.07.2020. godine

S poštovanjem,



Na osnovu člana 20a. stav (1) i (2) Zakona o radu FBiH ("Službene novine Federacije BiH", broj: 26/16 i 89/18), člana 57. Statuta TTU energetik d.o.o. Tuzla broj OS-1-3/16 od 05.12.2016. godine, člana 4. Pravilnika o radu TTU energetik d.o.o. Tuzla broj: 02-28-88-4/18 od 25.12.2018. godine i Odluke o potrebi prijema radnika broj 04-870/20 od 06.07.2020. godine direktor Društva raspisuje:

JAVNI OGLAS

za prijem radnika u radni odnos u Tvornici transportnih uređaja energetik d.o.o. Tuzla

I

Tvornica transportnih uređaja energetik d.o.o. Tuzla raspisuje javni oglas za prijem radnika u radni odnos na sljedećim radnim mjestima:

Red. br.	Radno mjesto	Služba	Broj izvršilaca	Trajanje ugovora
1.	Bravar 3	Proizvodnja	1	12 mjeseci
2.	Bravar 5	Proizvodnja	1	12 mjeseci
3.	Bravar 6	Proizvodnja	2	6 mjeseci
4.	Bravar, poslovi sječenja i presovanja 2	Proizvodnja	1	Neodređeno
5.	Poslovi zavarivanja 3	Proizvodnja	2	Neodređeno
6.	Poslovi zavarivanja 3	Proizvodnja	1	12 mjeseci
7.	Rukovaoc pjeskare/farbanje 2	Proizvodnja	1	6 mjeseci
8.	Metaloglodač specijalista	Proizvodnja	1	Neodređeno
9.	Borverkista 2	Proizvodnja	1	6 mjeseci
10.	Metalostrugar - CNC operater 2	Proizvodnja	1	12 mjeseci
11.	Metalostrugar 4	Proizvodnja	2	12 mjeseci
12.	Bravarsko montažni poslovi 2	Proizvodnja	1	6 mjeseci
13.	Projektant 1	Razvoj i projektovanje	1	Neodređeno
14.	Projektant 2	Razvoj i projektovanje	1	Neodređeno
15.	Skladištar-magacioner	Komercijala	1	Neodređeno
16.	Stručni saradnik za pravne i opće poslove	Pravni, kadrovski i opšti poslovi	1	12 mjeseci
17.	Komercijalista nabave 2	Komercijala	1	6 mjeseci - Pripravnik

II

Kraći sadržaj/opis poslova iz člana 1. Javnog oglasa po radnim mjestima:

1. **"Bravar 3"**: Izrada i montaža srednje složenih čeličnih konstrukcija, savijanje limova i profila sa većim stepenom tačnosti, kružno savijanje prstenova i cijevi, bušenje dijelova i pozicija na radijalnoj bušilici, na stubnim i radijalnim bušilicama velikih komada srednje komplikovanih oblika. Srednje složena montaža i demontaža



pogonskih jedinica, bubnjeva manjih prečnika. Mašinbravarski radovi na izradi dijelova konstrukcija u serijskoj proizvodnji, izrada srednje složenih pristroja i pomagala, dijelova u pojedinačnoj proizvodnji, savijanje profila i limova ručno i mašinski. Jednostavno odsijecanje, prosta savijanja i ravnanja, bušenja, razvrtavanja i upuštanja rupa, obilježavanje, bušenje, sječenje, urezivanje, narezivanje navoja te savijanje raznih oblika prema crtežima uz nadzor i instrukcije starijih radnika. Bušenje u alatima i napravama. Obavlja i druge poslove po nalogu pretpostavljenog rukovodioca.

2. **“Bravar 5”**: Izrada i montaže jednostavnih čeličnih konstrukcija, savijanje limova i profila sa manjim stepenom tačnosti, kružno savijanje prstenova, cijevi, profila i limova, bušenje dijelova i pozicija na radijalnoj bušilici, jednostavne montaže i demontaže, ručno i mašinsko narezivanje navoja, odsijecanje, savijanje i ravnanje komada. Obavlja i druge poslove po nalogu pretpostavljenog rukovodioca.
3. **“Bravar 6”**: Pomoćni poslovi pri izradi i montaži jednostavnih čeličnih konstrukcija, jednostavne operacije savijanja limova i profila, pomoćni poslovi pri jednostavnoj montaži i demontaži pogonskih jedinica, ručno narezivanje jednostavnih navoja, pomoćni poslovi pri izradi jednostavnih dijelova u pojedinačnoj proizvodnji. Obavlja i druge poslove po nalogu pretpostavljenog rukovodioca.
4. **“Bravar, poslovi sječenja i presovanja 2”**: Izrada i montaže manje složenih čeličnih konstrukcija, savijanje limova i profila sa manjim stepenom tačnosti, kružno savijanje prstenova i cijevi, bušenje dijelova i pozicija na radijalnoj bušilici, stubnim i radijalnim bušilicama, montaža i demontaža pogonskih jedinica, bubnjeva manjih prečnika, ručno i mašinsko narezivanje manje složenih navoja. Obavlja i druge poslove po nalogu pretpostavljenog rukovodioca.
5. **“Poslovi zavarivanja 3”**: Zavarivanje manje složenih čeličnih konstrukcija sa posebnim zahtjevima, obojenih metala, legura i dijelova, manje složenih posuda pod pritiskom i raznih cjevovoda, sječenje manje složenih materijala sa poluautomatskim aparatom sa optičkim vođenjem. Bilježenje i sječenje manje složenih pozicija prema crtežu i skicama Vršiti pripremu i izmjenu boca plina i kiseonika. Obavlja i druge poslove po nalogu pretpostavljenog rukovodioca.
6. **Isto kao 5.**
7. **“Rukovaoc pjeskare/farbanje 2”**: Obavlja složene poslove pjeskarenja i farbanja. Šaržiranje i sinhronizovanje protoka materijala, kontrola granulacije, ulazna i izlazna kontrola materijala u pjeskari i farbanog materijala. Specificira potrebni repromaterijal za pjeskarenje i farbanje. Obavlja i druge poslove po nalogu pretpostavljenog rukovodioca.
8. **“Metaloglodač specijalista”**: Samostalni metaloglodački radovi na najsloženijim elementima, samostalno iznalaženje boljih tehnoloških rješenja u procesu metaloglodačkih radova. Podešavanje glodalice za zupčanike na najsloženijim ozubljenim elementima. Obrada asimetričnih dijelova sa više provrta i različitim uglovima, obrada najsloženijih sfernih površina, obrada asimetričnih kućišta sa više od tri provrta u kvaliteti H 7 i N8. Izrada velikih zupčanika ϕ 800 – 1000 od legiranog čelika u poboljšanom stanju, izrada ozubljene letve na univerzalnoj glodalici u kvalitetu N 8 i 9, izrada pužnih vijaka i točkova u kvalitetu N9 i 10. Obavlja i druge poslove po nalogu pretpostavljenog rukovodioca.
9. **“Borverkista 2”**: Samostalni poslovi na borverku pri izradi jednostavnih elemenata, obrada asimetričnih kućišta, urezivanje svih vrsta navoja u kućištima. Održavanje radnog mjesta i stroja. Izrada svih vrsta ukopa i otvora. Obavlja i druge poslove po nalogu pretpostavljenog rukovodioca.
10. **“Metalostrugar - CNC operater 2”**: Obrada jednostavnijih unutrašnjih konusnih površina, izrada žljebova – kanala na bubnjevima i plaštovima prečnika do 1000 mm, izrada jednostavnijih vanjskih milimetarskih i wirtortovih konusnih navoja, obrada

tolerisanih vanjskih površina dužine do 300mm, unutrašnja jednostavna obrada kugle, održavanje radnog mjesta i stroja. Obavlja i druge poslove po nalogu pretpostavljenog rukovodioca.

11. **„Metalostrugar 4“:** Obrada jednostavnijih unutrašnjih konusnih površina, izrada žljebova – kanala na bubnjevima i plaštevima prečnika do 1000 mm, izrada jednostavnijih vanjskih milimetarskih i witvortovih konusnih navoja, obrada tolerisanih vanjskih površina dužine do 300mm, unutrašnja gruba obrada kugle, obrada tolerisanih unutrašnjih površina dužine do 150mm. Obavlja i druge poslove po nalogu pretpostavljenog rukovodioca.
12. **„Bravarsko-montažni poslovi 2“:** Priprema dijelova, podsklopova i sklopova za jednostavnu montažu, montaža opreme, demontaža i defektaža jednostavnijih proizvoda, brušenje i dotjerivanje jednostavnih elemenata, izrada noževa za jednostavne alate, popravka jednostavnih bravarski pribora, alate i mjerila. Obavlja i druge poslove po nalogu pretpostavljenog rukovodioca.
13. **„Projektant 1“:** Razvijanje i projektovanje vrlo složenih idejnih, investicionih i glavnih projekata za objekte, mašine i uređaje, konstruisanje vrlo složenih mašina i uređaja, izrada najsloženijih statičkih proračuna AB i čeličnih građevinskih objekata, proračun složenih nosećih čeličnih konstrukcija mašina, tipizacija najsloženijih elemenata čelične konstrukcije, obrada ponuda, izrada potrebnih mjernih skica, tehničkih opisa i specifikacija za objekte, mašine, uređaje i kompletne sisteme. Dimenzionalna, računska, tehnička i funkcionalna kontrola složenih sklopova, mašina i uređaja, sistematsko praćenje i proučavanje razvoja proizvoda u cilju pronalaženja novih i povoljnijih rješenja, uz primjenu najsavremenije tehnologije. Obavlja i druge poslove po nalogu pretpostavljenog rukovodioca.
14. **„Projektant 2“:** Razvijanje i projektovanje idejnih, investicionih i glavnih projekata za objekte, mašine i uređaje, konstruisanje mašina i uređaja do razrade, izrada statičkih proračuna AB i čeličnih građevinskih objekata, proračun nosećih čeličnih konstrukcija mašina, tipizacija elemenata čelične konstrukcije, izrada potrebnih materijala za kataloge mašina i uređaja sa referenc listama, nadzor pri montaži i u toku probnog pogona za dokazivanje zahtijevanih tehničkih karakteristika, uređaja i sistema. Obavlja i druge poslove po nalogu pretpostavljenog rukovodioca.
15. **„Skladištar – magacioner“:** Prijem, otprema, utovar/istovar, skladištenje i izdavanje robe. Kvantitativna i kvalitativna kontrola zaprimljene robe. Mjesečni popis, izrada i izdavanje skladišne dokumentacije. Materijalna odgovornost za robu i sredstva za rad, urednost i higijenu skladišnog prostora i poslovne dokumentacije. Sortiranje pošiljaka, kao i rad na viljuškaru. Obavlja i druge poslove po nalogu pretpostavljenog rukovodioca.
16. **„Stručni saradnik za pravne i opće poslove“:** Priprema akata u redovnom radu Službe, vodi i daje analitičke, informativne i druge materijale u okviru propisane metodologije, (tipski izvještaji, redovne ili periodične informacije), priprema prijedloga godišnjih planova i izvještaja Službe, vođenje svih vrsta evidencija, uređuje i vodi arhivsko poslovanje Društva, aktivna podrška i kontroling u postupcima nabavke roba, poslovima ZOR i ZOP, prati provedbu propisa i internih pravila kancelarijskog poslovanje u Društvu, praćenje i izvještavanje o blagovremenom izvršenju naloga izdatih od strane inspeksijskih organa, izrada svih vrsta dokumenata vezanih za uvođenje i poštivanje standarda (ISO i dr.) u Službi. Obavlja i druge poslove po nalogu pretpostavljenog rukovodioca.
17. **„Komercijalista nabave 2“:** Prikuplja i analizira informativne ponude i kontaktira dobavljače, prati kretanje i promjene cijena na tržištu roba/radova i usluga, priprema potrebnu tendersku dokumentaciju manje složenih postupaka nabavke, obavlja operativne poslove pri objavljivanju poziva manje složenih postupaka nabavke, prati realizaciju manje složenih ugovora o nabavkama roba/radova i usluga, priprema podatke

za potvrde narudžbi, zavodi zaključene ugovore u knjigu ugovora i druge postojeće evidencije, prima i provjerava dokumentaciju u vezi sa izvršenjem nabavki roba/radova i usluga (otpremnice, ulazi, zapisnici kontrole, ostala dokumentacija), priprema dokumentaciju neophodnu finansijskoj operativi. Obavlja i druge poslove po nalogu pretpostavljenog rukovodioca.

III

Kandidat koji se prijavljuje na oglas potrebno je da ispunjava opće i posebne uslove, kako slijedi:

a) Opći uslovi:

- Da je državljanin BiH
- Da je stariji od 18 godina
- Da je zdravstveno sposoban za obavljanje poslova radnog mjesta (*Uvjerenje dostavlja kandidat koji bude izabran prije prijema u radni odnos*)

b) Posebni uslovi:

Za radno mjesto pod rednim brojem 1. i nazivom „**Bravar 3**“:

- V/VKV/IV/SSS/III/KV stepen stručne spreme, mašinskog smjera

Minimalno 2 (dvije) godine radnog iskustva u struci na istim ili sličnim poslovima

Za radno mjesto pod rednim brojem 2. i nazivom „**Bravar 5**“:

- IV/SSS/III/KV stepen stručne spreme, mašinskog smjera

Minimalno 6 (šest) mjeseci radnog iskustva u struci na istim ili sličnim poslovima

Za radno mjesto pod rednim brojem 3. i nazivom „**Bravar 6**“:

- IV/SSS/III/KV stepen stručne spreme, mašinskog smjera

Za radno mjesto pod rednim brojem 4. i nazivom „**Bravar, poslovi sječenja i presovanja 2**“:

- IV/SSS/III/KV stepen stručne spreme, mašinskog, rudarskog ili el. tehničkog smjera

Minimalno 2 (dvije) godine radnog iskustva u struci na istim ili sličnim poslovima

Za radna mjesta pod rednim brojem 5. i 6. i nazivom „**Poslovi zavarivanja 3**“:

- IV/SSS/III/KV stepen stručne spreme, mašinskog smjera

Minimalno 2 (dvije) godine radnog iskustva u struci na istim ili sličnim poslovima

Za radno mjesto pod rednim brojem 7. i nazivom „**Rukovaoc pjeskare/farbanje 2**“:

- IV/SSS/III/KV stepen stručne spreme, mašinskog, rudarskog, el. tehničkog ili tehničkog smjera

Minimalno 1 (jedna) godina radnog iskustva u struci na istim ili sličnim poslovima

Za radno mjesto pod rednim brojem 8. i nazivom „**Metaloglodač specijalista**“:

- V/VKV/IV/SSS/III/KV stepen stručne spreme, mašinskog, rudarskog, el. tehničkog smjera ili gimnazija

Minimalno 4 (četiri) godine radnog iskustva u struci na istim ili sličnim poslovima

Za radno mjesto pod rednim brojem 9. i nazivom „**Borverkista 2**“:

- IV/SSS/III/KV stepen stručne spreme, mašinskog smjera

Minimalno 1 (jedna) godina radnog iskustva u struci na istim ili sličnim poslovima

Za radno mjesto pod rednim brojem 10. i nazivom „**Metalostrugar - CNC operater 2**“:

- IV/SSS/III/KV stepen stručne spreme, mašinskog smjera

Minimalno 6 (šest) mjeseci radnog iskustva u struci na istim ili sličnim poslovima

Za radno mjesto pod rednim brojem 11. i nazivom „**Metalostrugar 4**“:

- IV/SSS/III/KV stepen stručne spreme, mašinskog smjera

Minimalno 6 (šest) mjeseci radnog iskustva u struci na istim ili sličnim poslovima

Za radno mjesto pod rednim brojem 12. i nazivom „**Bravarsko – montažni poslovi 2**“:

- IV/SSS/III/KV stepen stručne spreme, svi smjerovi

Za radno mjesto pod rednim brojem 13. i nazivom „**Projektant 1**“:

- VII/VSS stepen stručne spreme, diplomirani inženjer mašinstva

Minimalno 3 (tri) godine radnog iskustva u struci na istim ili sličnim poslovima

Za radno mjesto pod rednim brojem 14. i nazivom „**Projektant 2**“:

- VII/VSS stepen stručne spreme, diplomirani inženjer mašinstva

Minimalno 1 (jedna) godina radnog iskustva u struci na istim ili sličnim poslovima

Za radno mjesto pod rednim brojem 15. i nazivom „**Skladištar – magacioner**“:

- V/VKV/IV/SSS stepen stručne spreme, ekonomskog, mašinskog, rudarskog smjera ili gimnazija

Minimalno 1 (jedna) godina radnog iskustva u struci na istim ili sličnim poslovima

Za radno mjesto pod rednim brojem 16. i nazivom „**Stručni saradnik za pravne i opće poslove**“:

- VII/VSS stepen stručne spreme, diplomirani pravnik

Minimalno 1 (jedna) godina radnog iskustva u struci na istim ili sličnim poslovima

Za radno mjesto pod rednim brojem 17. i nazivom „**Komercijalista nabave 2**“ - **Pripravnik**“:

- IV/SSS stepen stručne spreme, ekonomskog smjera

IV

Uz prijavu na oglas kandidati su dužni dostaviti:

- Pismenu prijavu na oglas, svojeručno potpisanu, sa naznakom jednog ili više radnog/ih mjesta na koja se prijavljuje, broj telefona, tačnu adresu stanovanja i kraću biografiju (*kandidat koji se prijavljuje na više oglašanih radnih mjesta popunjava jednu prijavu i u istoj navodi radna mjesta na koja se prijavljuje*);
- Diplomnu / Uvjerenje o završenom školovanju, potrebnu za radno mjesto;
- Uvjerenje / Potvrda o radnom iskustvu za radno mjesto na koje se prijavljuje (*potvrda/uvjerenje izdati od strane poslodavca/poslodavaca kod kojeg/kojih je to iskustvo stečeno ili uvjerenje nadležne institucije za penzijsko i invalidsko osiguranje ili uvjerenje nadležne porezne uprave, uz obavezno dostavljanje potvrde u kojoj će šifre zanimanja iz uvjerenja biti razjašnjene*);
- Relevantan dokaz o ostvarivanju prava po osnovu Zakona o pravima demobiliziranih branilaca i članova njihovih porodica FBiH (“Službene novine Federacije BiH”, broj: 54/19).

Sva dokumenta dostaviti u originalu ili ovjerenoj fotokopiji (ukoliko kandidat dostavlja fotokopiju potrebno je da ovjera nije starija od 6 mjeseci računajući od dana objave Oglasa).

Kriteriji za prijem u radni odnos po osnovu kojih se vrši bodovanje kandidata, u zavisnosti od radnog mjesta, su:

- a) Stručna sprema,
- b) Usmeni ispit,
- c) Praktičan rad,
- d) Pripadnost nekoj od boračkih kategorija.

Usmeni ispit i praktičan rad obuhvataju pitanja iz sadržaja poslova radnog mjesta na koje se kandidat prijavio i opća pitanja iz poznavanja struke koju kandidat posjeduje.

Komisija za izbor kandidata, u skladu sa Metodologijom za izbor radnika u TTU energetik d.o.o. Tuzla broj: 03-89-20-4/19 od 19.04.2019. godine, prethodno vrši provjeru kvalifikovanosti kandidata i sačinjava abecednu listu kvalifikovanih kandidata. Nakon toga ista vrši bodovanje po kriteriju stručna sprema i pripadnost nekoj od boračkih kategorija, te provodi usmeni ispit, a po dostavi zapisnika o ocjeni kandidata od strane Komisije za praktični rad, vrši zbrajanje bodova kandidata ostvarenih po svim kriterijima. Komisija za praktičan rad vrši pripremu praktičnog radnog zadatka i bodovanje kandidata po istom. O svim aktivnostima komisije pravovremeno informišu prijavljene kandidate.

Sa kandidatima koji budu izabrani i primljeni u radni odnos, zaključit će se ugovor o radu, kako je Oglasom predviđeno.

Obavještenje o rezultatima Oglasa biće istaknuto na oglasnoj table, web stranici Društva i dostavljeno prijavljenim kandidatima.

V

Javni oglas se objavljuje u listu "Oslobođenje" i na web stranici Društva i isti ostaje otvoren 8 (osam) dana od dana posljednjeg objavljivanja u navedenim sredstvima informisanja.

Prijave sa dokazima o ispunjavanju uslova iz Oglasa, dostaviti lično ili preporučeno poštom, na adresu: 18. hrvatske brigade broj 25, 75000 Tuzla, sa naznakom "Prijava na oglas broj: 04-871/20"

Nepotpune i neblagovremeno pristigle prijave neće se uzimati u razmatranje.
Priložena dokumentacija se neće vraćati.

Broj: 04-871/20

Datum: 06.07.2020. godine

